

∞ Ordnung fo ein Ehrfame
Statt Bafel / den erften tag Aprilis inn ihrer
Statt vnn Landtschafft furohin zehalten erkannt.
Darinnen/ wie die verworffene Mißbruch/ mit waarem
Gottes dienst eretzt. Auch wie die Lafter/ fo Chrift-
licher dapfferkeit vntriglich/ Gott zů Lob/ ab-
gefelt/ vnd geftrafft werden follen/ ver-
griffen ist. Als man zalt nach der
Geburt Chrifti

M. D. XXIX.



*Ich bschemm mich des Euangelii von Christo nit, denn es ist
ein krafft Gottes die da selig macht alle die dem gloubenn*
[Röm.1,16]

Vorred.

W Jr Adelberg Meyer Alt Burgermeister/
diefer zeyt Statthalter des Burgermeister-
thumbs/ klein vnd groß Rāth/ so man nennet
die Sechs/ sampt den verordneten von vns
vnnnd gemeiner vnser Burger schafft der
Statt Bafel/ fonderlich hiezū berüefft/ wünschend vnnnd
bittendt allen vnd jeden vnfern Burgern/ Hinderfaffen/
Amptleüten/ Vögten/ auch allen andern Geiftlichen vnnnd
weltlichen in vnserer Statt vnd Landtschafft Bafel/ dar-
zū allen gläubigen von Gott vnferm himmelischen Vatter/
frid/ gnad/ vnd erkanntnuß Jesu Chrifti/ vnfers einigen
Heilands. Jr geliebten im Herren/ dieweil Gott/ der
Vatter aller barmhertzigkeit/ vns sein Arme Creaturen/
gantz nit auß vnferm verdienen/ fonder nach der richtung
seiner güte/ auß lautern gnaden/ mit fändung vnd offen-
barung seines Heyligen Worts/ gnädiglichen heim ge-
fücht (im sey lob vnd danck in ewigkeit) vns damit seinen
Göttlichen willen sampt der arbeiteligkeit/ darinnen wir/
gleich wie gar nach die gantze welt/ vnd als zūbeforgen/ nit
on verderbung der seelen/ Ellendigklich gfangen gsein/ zū
erkennen geben. Dauon nun erwachsen/ dz wir durch sein
gnad Ettliche mißbrüch von dem klaren Gottes wort ver-
werffen/ in dem nammen Jesu Chrifti geändert/ die andern
gar abgestellet/ vnd den verwänthen vngegründten Gottes
dienst/ so merertheils von Eignem gfüch vnd güts wegen/
der geiftlich genanten/ ein lutere gleißnerey gsein/ vffgehept/
habend wir von des selbigen gnaden fürter bedacht vnnnd
zū hertzen genommen/ das es mit abtelling der Ceremonien
vnd mißbrüchen nit gnüg/ fonder gantz hoch von nöten sein
will andere Chriftliche ding an statt der abgestelten miß-
brüchen/ nach anleitung des Göttlichen worts zū pflanzen/
damit durch güte Ordnung vnser leben (wie wir mit den
gnaden Gottes hertzlich begären) hinfür Chriftenlich/ dem
nächsten vnergerlich angerichtet werde/ vnd wir an dem stren-
gen vrtel Gottes vnfers empfangnen gwalts/ den selben zū
auffnung Göttlicher eeren/ vnd pflanzung eins fridfamen
Chriftenlichen wäfens gebrucht haben/ rechen schafft geben
mögen. Harumb so haben wir in dem nammen der Heyligen
Dreyfaltigkeit/ des waren Göttlichen dienstes/ zū pflanzung

eins Chriftlichen erbarn/ fridfamen lebens/ vnangefehen das folche ding den Geiftlichen Obern/ wo ihnen vnferer Seelenheyl angelegen/ billicher ze fürderen zúftúnde/ Gott zú Lob/ vns vnd den vnfern zú gút/ diß volgendt Ordnung gemacht/ vnd die fürohin veltigklich zú halten/ erkannt/ dem ift alfo.

Wie das Göttlich Wort verkündet werden folle.

D Jewyl das heylig Göttlich wort/ die ware Speiß der Seelen/ vnd richtfcheit eines Chriftlichen lebens ift/ fo will vns gefallen/ ja wir wöllendts gehebt haben/ das hinfür alle fo in vnfer Statt vnnd Landtschafft/ die Búß vnd Euangelion Chrifti zú predigen/ von vns ordenlich erwölet/ berüfft/ vnd verordnet feind/ oder zúkünfftig berüefft werden/ nützit anderes/ dann allein das heylig Göttlich Wort/ das Euangelion Jefu Chrifti/ die fröliche Bottschafft der Gläubigen/ pur/ klar vnd heiter/ zú der ehren Gottes vnd pflanzung Brüderlicher liebe trewlich verkünden/ der gestalt/ das die zúhörer des Göttlichen worts mit waarhaftigem/ demütigen hertzen lehren glauben/ das Gott vnfer Himmeliſcher Vatter vß luterer Gnaden als wir noch feine feindt gſyn/ fein eingebornen Son/ Chriftum Jefum vns gefendet/ vnd das Chriftus der Son Gottes von vnfert wegen geftorben vnd auffertanden/ ein gantzer Erlöfer vnnd Säligmacher fey/ aller deren die in jhn vertrauen/ das er mit feinem fterben vnferer Sünd bezalt/ vnnd den Vatter der barmhertzigkeit verfünnet habe/ das er auch fey der einig Mittler vnd Weg/ durch den wir Gott/ als vnferen Vater in vertrauen anrueffen/ damit wir durch fein gnad dem fündigen leben abfterben/ vnd in einem newen/ fridfamen/ Gottforchtſammen/ Chriftlichen leben wandeln/ wie dann die waare Predig der Búß vermag vnd anzeigt.

Bey difer verkündung follend die lafter/ on anfehens rycher oder armer/ hohen oder nidern ftands perfonen mit dem

wort

wort Gottes ernstlich getroffen/ doch nidische schmach vnd schältwort/ dadurch erbare personen verlümbdet und verargwonet vnderlassen werden/ Es wäre dan/ das einer in öffentlichen Laftern nach Euangelischer warnung vnuerfchamt verharte/ oder ein fyndt des Göttlichen wortes und der Kilchen wäre/ also das man jhn verbannen/ vnnd die Chriften vor jm warnen müßte/ dann mag die rügung solcher personen/ doch nit vß nyd/ fonder von mißfallens der fünden wegen/ wol beschähen.

Sonst was das Göttliche wort verbüttet/ follend die Predicanten damit verbieten/ wz aber das Göttlich wort erlaubt/ foll vnuerbotten blyben.

Damit aber das Göttlich wort klar vnd rein geprediget/ follen die Diener des Worts sich allein der Biblischen bücher/ das ist der Newen vnnd Alten Testamenten gebuchen. Und ob sich (das Gott gnädiglich verhüte) mit der zyt etwas jrnsal zütragen/ die föllend allein mit Biblischer schrift (denen alle Chriften zü glauben verbunden seind) verworffen werden.

Wo aber zwyspalt der schrift halben von wegen das die etwas dunckler wäre/ entspringen würde/ da foll man die schrift nach anwyfung des Glaubens vnd der Liebe vßlegen/ vnnd ein Chrift dem andern Brüderlichen vnderrichtung geben.

Hiebey foll in allweg durch die Predicanten verhütet werden/ wann sie mit dem wort Gottes zü vßbrüttung der lafter/ pflanzung der tugenden/ vnd erbuung eines Chriftlichen lebens/ ein meinung zü predigen haben/ das sie darinn gantz kein wortfryt fuerend/ dann von solchem gezänck/ nit allein kein erbuung/ fonder zertrennung Brüderlicher liebe gantz lychtlich geuolgen mag.

Doch mögend die Predicanten glichnüffen/ Hyftorien/ natürliche vrfachen/ gemeine Sprichwort/ vnd derglichen bewärliche ding/ ob die schon nit büchstablich in der schrift gelesen/ mit den fügen wol gebuchen/ dz die der reinigkeit des Glaubens/ der Liebe/ vnd Chriftlicher dapfferkeit/ nit züwider syen/ dann auch Chriftus/ die Propheten vnd Apostel sich deren mäffigklich gebraucht haben. Aber menschen satzungen damit die Conscientzen¹ verfrickt werden/ als mit verbietung der Ee/ spyß/ erwölung der tag/ vnd dero glichen beschehen/ follen die Predicanten nit allein nit lehren/ fonder die vfflöfen/ den falsch darunder verborgen mit Göttlicher schrift

¹ Conscientzen = die Gewissen

anzeigen/ vnd daby in alle weg arbeiten/ dz die Chriſten ſich irer fryheit/ nit zů geilheit des fleiſchs/ fonder zů der ehre Gottes/ vnd pflanzung brüderlicher liebe gebruchend. Und ob ſich zůn zyten zůtragen/ das man der gebenedyten Junckfrawen Marie/ der Mütter Jeſu Chriſti/ oder anderer vßerwölten Gottes Heiligen/ ſo jetzt in ewiger Seligkeit ſind/ gedechtnuß begon/ da ſollend Predicanten ſolche Feſt der maſſen halten/ damit Gott in ſeinen Heiligen gebrißt¹/ die Göttliche ehr nit den Creaturen/ auch die gnad Gottes/ ſo er ſeinen vßerwölten Heiligen bewiſen/ den Heiligen Gottes nit entzogen/ fonder alle ding zů der ehre Gottes/ vnnd beſſerung vnſerer nechſten gehandelt werden. Damit aber diß ordnung/ mit groſſem Ernſt gehalten/ darwider nit gethon wird/ ſo wöllend wir dry oder vier Herren/ ſo vff die Predicanten/ das die ſelben das Göttlich wort in vorer luterer wyſe trewlich verkünden/ acht haben/ die übertretter ſtraffen/ oder vns zů ſtraffen anzeygend/ verordnen. Darzů den ubertretern gantz nützit überſehen noch jren verſchonen.

Wie die Diener des Worts vnd der kilchen/ jrer lehre vnd lebens halb/ vor dem ſy gefandt/ bewert werden ſollen/ vnd von dem ampt der Examianten

Es iſt niemandt verborgen/ das glich wie durch fromm/ gelert/ erbar männer das Göttlich wort höchſter frucht verkündt Alſo hinwider durch vngelert/ lychtfertige pfaffen in irem predigen nit allein kein nutz geſchafft/ fonder auch dz Göttlich wort geſchwächt/ verhaſſet gemacht/ vnd veracht wirt. Deßhalb hoch von nöten/ die diener des worts vor vnd ehe ſey gefandt/ der lehre vnd läbens halb ernſtlich zů bewerren. Und ſo aber ſolche erfahrung zůuor was die leer berürt/ durch fromme/ der Heiligen geſchriſt gelerte männer/ vnd was das läben antrifft von dapffern vß der Obrikeit verordneten perſonen/ beſchehen mög/ wöllen wir zwen oder dry der Heiligen ſchriſt gelerten/ vnd ein oder zwen von vnſern Raths fründen/ die verfancklichſten²/ ſo die diener di ſich irer leer vnd lebens wol bewegen ſollen/ verordnen.

Die Examinatores ſollend in anfang/ wann ſy zů verhörung geordnet/ zů Gott ſchweren/ dz ſy diß ampt nach anwyſung des Göttlichen worts zůuorderrt zů vffnung der ehren Gottes ihres vermögens zů dem trewlichſten on anſehen der perſon verwalten/ auch dz ſy ſich hierzů gantz kein gunſt/ mietgab/ noch ſchenck die ſy gar nit nehmen/ keinerleywegs irren laſſen/ fonder dz ſtreng vrtel Gottes allzyt vor augen haben/ vnſres ampts ſachen zů den trewlichſten handeln wöllen/ der

¹ gebrißt = gepriesen

² verfancklich = tauglich, geeignet

gestalt/ dz fy alle die/ fo dz Göttlich wort zů verkünden gefandt follen werden/ der lehr Chrifti/ ob fie die dem Chriftlichen volck mit frucht fürzůtragen toegenlich oder nit/ Darzů jres lebens/ das folches vnfräfflich/ vnd dem gläubigen volck nit ärgerlich feye/ ernstlich examinieren/ vnd darunder gar niemands verfchonen. Und wölche fie in der lehr vnd leben toegenlich befinden/ die follend fie vns/ als der Oberkeit/ presentieren/ damit wir fie der Kilchen fürftellen/ jres amptes ernstlich vermanen/ vnd nach gepflägenen gebett/ zů denen gemeinden/ wölchen fie vorfton/ in dem nammen Gottes senden mögen. Vnd ob sich zůtragen/ dz in vnser Statt vnd Landt Basel/ einem oder dem andern Predicanten vnd Seelforger/ von was geiftern das beschehen möchte/ fachen/ den Chriftlichen glauben belangend/ fürfielend/ in denen fie jren widerfächern vß Biblischer schrift bescheid zů geben/ nit gnůgfam bericht/ dann follend erftgemeldte Seelforger/ sampt jren widerfächern alhar für die vorbestimpten Examinatores keren/ vnnd vor denen die spännigen¹ fachen/ allein mit Biblischer schrift/ freundlich vnd tugendlich erörtern vnnd hinlegen.

Die bedachte Examinatores follend die Lütppriester vnd Diacon/ fo die in offenen lafter begriffen/ also dz die kein gnad oder kunft zů leren hetten/ Gottfläfterer/ hůrer/ eebrecher/ wůcherer/ fymoniacis²/ todtfchläger/ trunckenböltz/ falschkundtschafftgeber/ verlogenen männer/ oder die jre wyb und kinder schändtlich vnd ärgerlich zugend/ vnd nit ftrafften vm folcher vnd derglichen laftern willen/ von jren ämptern heiffen stillfton/ daß folche schmähend die gemeinde Gottes/ vnnd feind nit zů dulden. Hiebey wöllend wir gar nit gestatten/ das vnser vnderthanen zů Statt oder Landt/ jre forgesetzten priester/ die nit in vorernenneten oder derglichen malefitzlaftern begriffen/ jrer ämptern eygnen gewalts entfetzen oder vertryben/ fonder wann yemands dergestalten klag zů haben vermeint/ da soll die selbige klag vor den bestimpten Examinatoribus erörteret vnd nach verhör des beklagten antwort/ ergan wz billich ist. Das beschiedt der vrfach/ das niemands vß nyd/ oder mit vnwaarhaffter verfchwetzung verkurtzt³ werde. Diese Examinatores follend jürlich zwen Synodes/ nämlich den einen acht tag nach Ostern/ vnd den andern vff Martini/ alhie zů Basel halten/ in denen alle Lütppriester vnd Diacon zů Statt vnd Landt bey Chriftlicher liebe vnd pflicht erfchynen/ ermant/ ja auch schuldig sein follend/ alles das/ fo ein jeder an dem andern ftraffwirdig vnnd ärgerlich sein

¹ spännig = strittig

² fymoniacis = Simonisten [Apg 8,9ff]

³ verkurtzt = geschädigt

weiß/ on allen nyd zů eröffnen/ damit wz Chriftlicher dapf-
ferkeit nit tráglich abgefelt/ vnd ärgernuß verhütet werde. ⁄.

Vnd ob es fach/ dz diese Examinatores mit gefüer den ei-
nen oder mehr an den dienft Gottes entweder fürdern/ oder
fo er jetzt daran were verbliben lieffen/ da sich vor vns/ oder
anderer erberkeit/ das folche zů den ämptern/ die fy verwal-
ten/ vntugenlich mit güter kundtschafft befinden wurde/
dann follten angeregte Examinatores von einem erfamen Rath
je nach gelegenheit jres verschuldens geftrafft werden.

Von denen fo die Heilige schrift ordenlich Läfen werden.

Damit aber defter geschickter diener des Worts/ und der
kilchen Chrifti befunden/ wöllend wir zwen Ordinarios/
die Heilige schrift zeläfen/ da der ein im Newen/ vnd der
ander im Alten Testament ein tag vmb den anderen arbei-
ten verordnen/ Wölche Lectiones alle priester vnd Ordens
leut/ mans perfonen bey vnd von vns verpründten in vn-
fer Statt bey einer peen¹ fo wir darauff setzen werden/ zů-
hören/ verbunden fein follten/ damit wir jeder zeyt wann
mangel an dieneren des worts befunden/ folchen von jnen
erfetzen mögend.

Vnd ob sich gefüegte/ das wir dife Ordinarios zů Exami-
nieren/ oder auch verhörern der Eehändel verordnen wur-
dend/ follend sie sich darinn gehorfamlich finden lan.

Wölche kilchen in beden Stetten Bafel zů Pfarren verordnet feind.

Wir finden in den Hyftorijs/ dz die überfchwencklich vi-
le der kilchen Erft nach dem die Klöfter angefangen/ vffge-
richt/ die aber niendert zů me nutz gewefen/ dann dz da durch
die gemeinen Chriften von einandern getheilet/ die kilchen
gebouw fampt deren müeffigängern mit fchwerem koften vn-
derhalten/ darzů vnder den Predicanten lichtlich vneinig-
keit vnd fpaltung erwachfen ift. Darumb ftünd es vil baß²
do nit fo vil kilchen/ aber vil frommer Chriften waren/ damit
wir dann vnfer volk/ fo vil Gott gnad verlicht/ defter mee
zůfamen ziehen/ darzů die verkündung des Göttlichen wor-
tes defter reiner vnd einiger behalten mögen/ haben wir ge-
ordnet/ dz nun hinfüre in der merern Statt Bafel/ nit me dann
dry Pfarren fein/ in denen man/ mit ordnung wie nachuolgt/
das

¹ peen = Strafe [lat. poena]

² baß = besser (Komp. von güt)

dz Göttlich wort verkünden/ vnd die Heiligen Sacrament des Touffs vnd des Herren Nachtmals handreichen folle/ namlich vnser lieben Frawen Münfter/ fant Lienhart/ vnd Sant Peters kilchen. Vnd demnach das Münfter/ so hieuer die Müter kilch genempt/ den kilchgenossen die zů Sant Martin/ fant Alban/ vnd fant Vlrich¹ geordnet gfein/ treffentlich wol gelegen/ haben wir die erftgenanten fant Martins/ fant Albans/ vnd fant Vlrich pfarren in dz Münfter gelegt. Darumb föllend diese kilchgenossen fůrohin dz Münfter als jre Pfarr erkennen. Vnd werdend aber nüt defter minder fant Martins/ fant Alban/ vnd fant Vlrichs pfarr jede jren Eygen Diacon/ fo am Fyrtag das fruebät halte/ vnd die kranken/ wie nachuolgt/ heimfůche/ haben. Sonft was zů fant Lienhart verordnet ift/ deßglichen zů fant Peter/ foll darby bliben/ doch das Sant Johans kilchspůl fůrohyn auch in fant Peters pfarre gehören. Die kleine Statt hat ein Pfarr zů Sant Theodern/ darbey wir es bliben laffen.

Vnd als wir durch die erfahrung erlernet/ das nit wenig fchadens deßhalb erwachfen/ das fich die pfarrkind jrer Pfarren eintweders befchämt/ oder vß bößwilligkeit verachtlichen die verlaffen/ der winckel vnd veldpredigten fich angenommen/ damit fie in newe erfchrockenliche fecten/ auch vilerley jrrungen ingefůrt. Sůlchen mit hilff Gottes vorzůfein/ will vns gfallen/ das fich die kilchgenossen zům wenigften am Sonntag jeder in fein Pfarr das Göttlich wort zů hören/ fchicken vnnd fůrdern/ damit die Pfarrgenossen vnder jnen felbs/ auch jrem Hirten erkannt/ Euan-gelische ftraff vnnd Bann defter ficherer gehalten werden mögen. Darbey wöllen wir niemands fein Confcientz verfrickt/ noch Chriftenliche freyheit genomen/ fonder vnabgefchlagen haben/ ob fich gefüegen/ das ein anderer Pfarrer das Göttlich wort fůrzůtragen/ mee gnad haben/ das man den felben in offenen kilchen/ aber fonst gantz kein winckel predige wol hören möge. Doch dz die kilchgenossen vmb der liebe willen/ ärgernuß zůuermeyden/ fich denest zůn zeyten/ vnd fie gnad haben/ in jren Pfarren/ in empfangung der Sacramenten/ mit gemeiner kilchen vereinbarn.

Von den deinern[!]der kilchen.

In die obgenanten Pfarren/ fampt den kilchörinen vff dem Land werdend wir je nach gelegenheit/ Leutpriefter/ Predicanten/ Diacon/ vnnd Sacriften/ fo der kilchen dienen follend verordnen.

¹ St.Ulrich: im 19.Jh. abgebrochen, Reste der N-Mauer im ehem. Schulhaus Rittergasse 3

Des Leütpriesters Ampt.

Es follen die Leütpriester hie zû Statt das Göttlich wort zû zyten hieniden bestimpt/ aber die Landtpfarrer alle wochen zûm wenigsten zwey mal zûpredigen verbunden sein.

Item es follen die Leütpriester zû Statt vnd Land alle zeyt bereit sein jrer Leer vnnnd lebens mit dem Göttlichen wort/ allen denen so es mit Chriftlicher zucht begeren/ bescheid vnd Rath zûgeben.

Die Leütpriester follen/ ob etwan mangel an den Diaconibus/ die Sacrament handtreichen/ die krancken heim fûchen/ sie mit dem Göttlichen wort tröften/ vnd sonderlich vff alle jre herd/ damit niemands in offnen laftern geduldet/ auch das sich nit neue jrrfal jnriffen/ ein trew vffehen haben. Darzû der jugend nit vergeffen/ sonder die selbige in Gottes forcht vnd Chriftlicher zucht vfferziehen. Deß halb fruchtbar sein/ das die Leütpriester die jungen kind so von sibben jaren biß in dz vierzehendift jare vngeuerlich alt find/ alle jare vier mal für sich vnd jre Diacon in die kilchen offentlich beruffen/ ob sie bätten können/ auch die bott des herren wissen befragen/ vnd demnach sie in glauben vnd liebe Gottes tugentlich vnderwyfen. Darbey follen die jungen so vorhin die Sacrament nie empfangen/ vnnnd jetzt des Herren Nachtmal nemmen wöllen/ durch die Leütpriester oder Diacon was sie von den Sacramenten halten/ in der offnen kilchen vnderrichtet werden.

Vnnnd ob sich nach dem gefalen Gottes zûtragen/ das etwann ein Chriftlicher brüder/ oder Schwester vß difem jamertal berufft/ deren gedechtnuß man zû haben begerte/ da soll ein Leütpriester bereit sein solche gedechtnuß an statt der volge vnder der tagpredig mit einer Göttlichen tröftlichen vermanung zû begend.

Es follen auch die Leütpriester zû Statt vnd Land des Herren Nachtmal halten/ wie nachuolgends bescheiden ist.

Was die Diacon pflichtig

Den Diacon wirt zûgehören täglich das frübett zûhalten/ dazû einen Leütpriester ob der zû zyten kranck/ oder in brüderlichen notwendigen geschäften begriffen/ mit dem predigen zûuerfâhen/ die kinder zû Töuffen/ die Eelüt inzû
legnen/

fegnen/ die krancken heimzûfûchen/ mit dem wort Gottes zû tröften/ vnd in des Herren Nachtmal dem Leütpriester behüfflich zû fein.

Wie sich die Subdiacon / das sind Sacriften/ halten sollend.

Die Subdiacon sollend nach beuelhe der Leütpriester lüten/ Was gehört zû des Herren Nachtmal verschaffen/ dem Leütpriester vnd Diacon/ in den kilchen gefchefften beholffen vnnnd gehorfam fein. Darzû die kilchen fübern/ öffnen/ vnd beschließen.

Es sollend auch die Leütpriester/ Diacon/ vnd Subdiacon/ der Christenlichen gemeynde/ mit handreichung der Sacramenten/ infegung der Ee/ heimfûchung der krancken/ vnd vff die tag der gedechtnuß der abgestorbenen/ gütwillig dienen/ vnd gantz kein belonungen von jnen begeren noch nemmen. Dargegen wöllend wir/ jr yedem nach gelegenheit seines Ampts/ mit zimmlicher Competenz¹/ fürfehung thûn/ damit sie jrer ämpter vßwarten mögen.

Von gemeiner Priesterfchafft.

Die vbrige Priesterfchafft/ in vnserer Statt Basel/ soll sich ehrfamlich vnd vnärgerlich halten/ die Tag predig im Münfter/ sampt der Letzgen² in heyliger Schrifft fleißiglich hören. Vnd ob wir ettliche zû vßspendung des Almüßens verordnen würden/ sollend sie sich gütwillig finden lan. Auch funst mit vns vnd gemeiner Burgerfchafft/ sich Burgerlich vnd fründtlich halten. Darzû den vnwillen/ der sich zwifchen jnen vornaher zûtragen/ gäntzlich abstellen/ vergeben/ vnd nachlassen/ sich keiner andern sachen/ dann die jnen beuolhen annemen. Vnd in sonderheit/ der abgetelten Ceremonien/ vnd mißbrüchen/ die Mäiß/ kilchengepräg/ &c. belangen/ sich fürhin keiner beladen. Dann wölche die fein/ so vnser vnderthonen/ von dem/ dz wir nach anweyßung Göttlicher geschriff/ vß Christenlichem yfer/ Gott zû lob vnd Ehre/ vns vnd vnfern vnderthonen zû güt/ vnd wolfart vnserer feelen/ angefähen/ heimlich oder öffentlich abfüren/ vff die alten gewonheiten/ Ceremonien/ Mäffen/ vnnnd deroglichen/ als ob die wider vffgericht werden sollten (das doch so lang vns Gott fein gnad vnnnd das läben verlicht/ nit
be-

¹ Competenz = Gehalt, Lohn

² Letzge [mhd. lectîe] = (Bibel-)Lesung, Lektion

befchehen wirt) verwöhen vnderrichten/ vnd fich damit/
vnrer Chriftlichen religion zewidern/ vffthiffen. Oder auch
die abgetheilten Meffen/ heimlich in hüfern halten/ vnd die
Sacrament nach Böpftlicher ordnung vßtheilen würden/
Die alle wöllend wir jrer pfründen entsetzen/ vnd darzü je
nach gefalt der fachen ftraffen/ des wiffe fich mencklich ze-
halten/ vnd vor fchaden zübewaren.

Vom bruch der Sacrament/ vnd erflich vom Touff.

Demnach dz Sacrament des Touffs vornaher bey uns
Tütfchen in Latinifcher fprach gehandtreicht/ auch nach
menschlicher infatzung faltz/fpeichel/kertzen/öl/vnd anders
darbey gebrecht/ das aber von Chrifto nit beuolhen/ will
vns gefallen/ die frömbde fprach/ darab der vnuerftändig
zuhörer nützit erbuwen/ fampt vorgemelten menschlichen
züfetzen in handtreichung des Touffs/ abzütellen. Des
halb wöllend wir das dife bezügung in vnferer Statt vnd
Landtschafft in verftändiger Tütfcher fprach/ wie dann
ein güte zeit bey vns gebrecht/ vnd die vßgangene Ordnung/
die alle Leütpriefter vnd Diacon haben follen vßwyfet/ be-
fchehe.

Was vom Touff vnd kindertouff zehalten fey.

Die Touff ift ein geheimnuß von wegen dz vns darinn
die gnadenriche würckung des leidens Chrifti fürnem-
lich bedüet. Dann gleichgefalt wie die leibliche vnrei-
nigkeit durch das waffer abgewäfchen/ alfo find alle feelen
die durch die gnadenreiche erwölung Gott des barmhertzi-
gen vatters/ in dz büch der Läbendigen ingefchriben/ allein
ymb des verdienfts Chrifti willen durch den heiligen Geyft
innerlich von aller vnreinigkeit erlediget vnd abgewäfchen.
Vnd fo es dann ein warheit/ das die jungen kindlin/ wiewol
nit von irfelbs gerechtigkeit noch vnfchuld wägen/ dieweil
fie alle in der übertrettung Ade/ kinder des zorns geboren/
fonder von wägen des vergoffenen blüts Chrifti Jefu/ vn-
fers einigen heilands fo gleich wie für die alten alfo auch für
die kindlein befchehen/ des rych Gottes wie vns die gſchriff
kundtschafft gidt fähig find. Sonft es billicher dann billich/
das

glich wie die alten/ also auch die jungen kinder/ vmb bedü-
tung des innerlichen abwäschung/ mit dem vfferlichen
Touff/ in die zal der Chriſten ingeſchriben/ vnnd jnen das
zeychen jrer erlöfung nit verſagt werde.

Es was den kindern Jſrael von Gott gebotten/ das ſy
jre achttägige kindlin beſchniden ſollten. Nun mag es niemand
leügen/ das an ſtatt der beſchnidung/ die Touff ingeſetzt/
wiewol die zeyt des Touffs/ von Chriſto mit vßgetruckten
worten nit beſtimpt/ fonder Chriſtenlicher fryheit vnd liebe
ergäben iſt. Dieweil nun die Touff vnd Beſchnidung bundt
zeichen der gnaden Gottes ſind/ mit was fügen wöllend dann
die jrrigen Geiſter/ ſo man Widertöuffer nempt/ den Chri-
ſten kindern das zeichen Chriſtenlicher widergeburth verſa-
gen? Sollend dann der Chriſten kinder Gott nit ſo angeneh-
m ſeyn/ dz jnen/ wie die Beſchnidung den kindern Abrahe/ die
Touff gegönnet ſeyn ſolle. Ach nein/ ſy habend ſich des Chriſt-
lichen zeichens nit minder dann die kinder Abrahe der Be-
ſchnidung zugebruchen. Vnd jrret nit/ das die Widertöuffer
ſprechen/ das man vff die wyß allein die knäblin/ dieweil
die allein beſchnitten/ vnd nit die döchterlin Töuffen müßt/
dann es iſt bey den Chriſten nit/ wie im alten gefatz der vnder-
ſcheid des Weibs vnnd Mans/ fonder ſeynd wir alle Chri-
ſti/ in dem wyb vnd man/ herr vnd knecht ein ding/ vnd deß-
halb die döchterlin den Touff anzunehmen/ nit vßgeſchloffen.

Vß dem allen iſt vnſer Ernſtlich beuelh/ will/ vnd meynung/
das alle junge kinder/ in vnſerer Statt vnd Landtſchafft/
fürhin (wie bißher beſchehen) vmb erhaltung Chriſtlicher
liebe vnd einigkeit/ on geuärllich verziehen/ getoufft/ vnd durch
dz vfferlich bad der widergeburth/ an die Chriſtenlich Reli-
gion ergeben werden/ vff das der verzug des Touffs/ vnſern
nechſten nit ärgerlich/ vnd zü verletzung brüderlicher liebe vnd
einkheit (die vns Chriſtus ſo hoch beuolhen) dienlich ſey.

Wir wöllend auch/ dz alle die/ ſo in jrer jugend getoufft
ſich des fättigen vnd wyter nit me Töuffen laſſend/ aber mit
allem Ernſt darnach ſträbend/ dz ſy in ernewerung des le-
bens/ den innerlichen Touff/ ſo do beſchicht im Geiſt vnd für
Göttlicher liebe/ durch die barmhertzigkeit Gottes erlangen.

Vombruch des Herren Nachtmals.

Des Herren Nachtmal iſt von Chriſto ingeſetzt/ ſeyn hey-

ligs Lyden/ mit danckbarkeit zů betrachten vnnd zů verkünden/ auch Christenliche lieb vnd einigkeit/ wie glidern eins lybs gebürt zů bezügen.

Diß Nachtmal ist schwärlich mißbrucht worden/ in den/ das man die gedächtnus der grossen schencke des Lydens Christli für ein Opfer/ vnnd die gemeine danckfagung/ ein werck der gnügthuung für die sünd/ wider die warheit Göttlicher schrift vßgeben/ ein Meßopffer darauß gemacht/ die gütthat des Lydens Christli/ nit allein diewyl die inn frömbder sprach gehandelt/ verschwigen/ sonder ist dz verdienst des Lydens Christli/ so vil an den Meßpriestern gefein/ größlich geschmäleret. Dann so sie mit jren eygnen werken/ wie sie vßgeben/ für die sünd möchten gnüg thůn/ so wäre doch Christus nit das Lämblin Gottes/ das da hinnimpt die sünd der welt/ Er wäre kein gantzer Erlöser/ vnd (wie die schrift sagt) vergäbenlich gestorben. So ist er ein mal geopffert/ vnd stirbt fůrohin nit mehr. Als ob die schrift sagte/ da Christus das werck seiner sendung/ in dem/ das er Gott vnserm himmlischen Vatter/ zů einem brinnenden jimmer vnd ewig wärenden Opfer/ am stammen des Creützes/ zů bezalung vnserer sünden/ ein mal vffgeopfferet worden/ volbracht hat/ da ist er gestorben. So er aber nun vfferstanden/ zů Himmel gefaren/ zů der Gerechten des Vatters sitzet/ so stirbt er nit mehr/ darumb wirt er auch fůrter nit mehr geopfferet/ Vnnd mangelt vns armen sündern dennoch nützit/ dann sein enig Opfer/ wäret in dem angeficht Gottes in ewigkeit. O liebe freünd welch Christenlich hertz mag doch sehen/ das Christus sein Herr und einiger Heylandt/ so hoch geschmächt/ das er nit ein gantzer Erlöser sein/ sonder erst die Meßpriester mit dem vnluft jrer werken/ sich an die statt Christli setzen/ den Himmlischen Vatter für die sünd der welt zů verfühnen vermeinen/ das doch ein grosse lesterung vnd verführung ist. So ist Christus ein mal (sagt die schrift) in die hend der Sünder gegeben/ aber fůrohin wirt er den Sündern nit mehr vbergeben/ sonder wirt er die Sünder richten vnd straffen.

Es ist mit disen schrockenlichen sachen nit gnüg gfin/ sonder auch durch dz Meßopffer/ damit die ynsatzungen Christli/ in alle weg verkert/ die gemeinschaft der heiligen Sacrament/ des Lybs vnd Blůts Christli/ so die Priester mit jren Christlichen mitbrüdern/ gebrochen vnd vßgetheilt haben
folten

folten/ abgefelt/ die bezügung Chriftlicher liebe verachtet. Vnd fo aber das befehen/ damit der Meffen/ vnd darnach der ftiftungen vnd nieffungen vil würden/ ift es defter erfchrockenlicher/ das vmb des geitzs willen/ die heilige ynfatzung Chrifti/ fo gar verkert vnd mißbrucht worden.

So wir nun/ die/ vnnd derglichen greuwel in der Meß erfunden/ vnd das die wie fie ein güte zyt har gebrucht/ mit Gott nit befton mögen/ vß heiliger fchriffte erlehret/ Haben wir in dem Namen vnfers Herren Jefu Chrifti/ die abgöttliche mißbrüch der Meß/ damit die ynfatzung vnd das Lyden Chrifti gefchwächt/ in vnferer Statt vnd Landtschafft abgethan/ vnd das nun hinfür/ in vnferer Statt vnd Landtschafft/ des Herren Nachtmal nach der ynfatzung Chrifti/ zü gedächtnus feins heiligen Lydens/ mit groffer danckfagung vnd vereinbarung in Chriftlicher liebe/ wie glidern eins lybs gebürt/ in verftändiger Tütfcher fprach/ gehalten werde verordnet. Damit aber diese ding/ als billich beficht/ mit groffem ernft gehandelt/ follend fich die mitgenoffen des Herren Nachtmals/ vor dem fie zü dem Tifch des Herren gond/ wol bewären/ vnnd mit vorgonder Offenen fchuld/ Pfalmen/ gemeinem gebett für alles anligen der kilchen mit einer Lection vß heiliger Gfchriffte von dem Lyden Chrifti darzü bereiten. Vnnd demnach mit kurtzer vermanung vnd verkündung der worten des Herren Nachtmals/ fo man dz heilig Vatter vnfer gebettet/ mit andächtiger vnd zuchtiger empfangung der heiligen Sacramenten/ des Herren Nachtmal in groffer danckfagung vollenden.

Hie in difem Nachtmal ift not/ darzü vnfer will vnd ernftliche meinung/ das der Bann/ nach Chriftlicher ordnung gebrucht. Aber anderer fachen halb niemandts fträffenlich geurtheilt/ vnd allein die verbannt werden/ fo durch dz wort Gottes verbannt find/ dann die felben fchmähen den lyb Chrifti/ als vngefunde vnd dürre glider. Es mögend in difem Nachtmal nit gemeinfchafft haben/ die offentliche abgötterer/ Zauberer/ Gottfläfterer/ durchächter des wort Gottes/ vnnd der heiligen Sacramenten des Touffs vnnd des Herren Nachtmals. Auch die fo Vatter vnd Müter fchmähen/ die vngehorfam find weltlicher Oberkeit/ Vffrüerifch/ vnd die fich ftraffentlich widerend zegeben Zähenden/ Zinß/ Zoll/ &c. Die fich in den fachen des Glaubens mit dem wort

Gottes nit wöllen berichten lan/ alle todtfchläger/ vnd die jren nyd nit abtellen/ alle die vß müßwillen kriegen/ hürer/ ehebrecher/ züfuffer vnd braffer/ dieb/ röuber/ wücherer/ vnd die so vnzimlich gewinne/ handthier¹ vnd gewärb tryben/ die nit zü geben noch zü nehmen feind/ darzū gefunde/ ftarcke bättler/ die mit jrer fulkeit/ ein vberbürde feind dem nächften/ fampt allen falschen zungen/ vnnd vndertruckten der Gerechtigkeit.

Es follend die Lütprister vnd Diacon ein getrew vfffehen vff alle jre Herd haben/ vnnd so sie yemanden in disen laßtern verlümbdet vnnd begriffen sein vernemend/ die sollend sie anfangs brüderlich warnen vnd straffen. Vnd so aber yemandts nach der ersten vnd andern brüderlichen warnung nit abtohn/ fonder in laßtern öffentlich verharren/ die gemeinde Gottes ärgern würde/ den vnd die foll man verbanen/ vnd von des Herren Nachtmal als lang vßschlieffen/ biß sie jr leben gebetteret/ vnd das mit newer vnßchuld kundtlich gemacht haben. Vnd wer in einer Kilchen/ von öffentlicher laßtern wegen verbant/ foll auch in den andern Kilchen von des Herren Nachtmal abgetriben werden.

Des Herren Nachtmal/ foll in vnser Statt vnd Landt schafft Basel/ züm jar gemeinlich in allen Pfarren/ dry mal/ nämlich zü Oßtern/ Pfingßen/ vnd vff Wienacht/ vnd hie in der Statt alle Sontag/ von einer Pfarr zü der andern/ vff das man alle Sontag das Nachtmal finde/ vnd ein yeder die liebe auch in andern Pfarren zü bezügen/ vnnd Christo der groffen gütthät danck fagen möge/ gehalten werden. Es follend auch die Pfarrer vff dem Landt zü den obgenannten dryen Feßten/ alle dry/ vier/ oder fünff wochen züm wenigsten ein mal/ wo sie Communicanten haben/ des Herren Nachtmal mit groffer andacht vnd danckbarkeit halten.

Von heimfüchung der Krancken.

Diese barmhertzigkeit ist von Gott fonderlich gebotten/ darumb follend die Leütprister vnd Diacon die krancken mit groffem ernst vnd gedult heimfüchen/ die krancken mit dem wort Gottes trewlich trösten. Vnd wo die krancken des Herren Nachtmals begerten/ jnen dz mittheylen. Wann auch yemandts vß dem zyt diß jamerthals zü den fröuden der fähigkeit berüfft/ des lyb foll mit zucht/ vnd ehrlich an ort/ so wir hienach für güt anfehen/ beftätet werden.

Zü

¹ handthier = Kaufhandel [von spätmhd. Hantieren/ mnd. Hantären: Kaufhandel treiben]

Zu wölchen stunden das Göttlich wort/ in der Stadt Basel verkündet werden solle.

Dieweil die Christenlich feel/ als wenig on dz wort Gottes/ als der leyb on die natürliche spyß leben mag/ Habend wir verordnet/ das alle Sonntag/ am morgen frü/ bey fant Peter/ by fant Martin/ by fant/ Alban/ vnd zu fant Elisabethen/ vnd jhenfit Rhins zu fant Claren/ für die wandlenden vnd das gefind/ frü gebätt gehalten. Vnd darnach vmb die achte im Münster/ bey fant Peter/ by fant Lienhart/ vnd bey fant Theoder/ die gewonlichen tagpredigen jren füngang haben sollen. Nach Mittag vm die zwölffe soll man im Münster vnd zu den Barfüßern/ vnd vff den obend vmb die Viere aber im Münster predigen. Am Wercktag soll das frübäte in der merern Stadt Basel alle tag/ wie bißhar gehalten/ by den Barfüßern vnd zu Sant Peter. Aber jhenfit Rhins zu fant Claren volbracht. Darzu so bald man das Erft zeychen in Rath verlüttet/ ein predige für die Rätth vnd Gerichts Herren vngeuerlich ein halbe stund im Münster täglich gehalten werden. Die tag predige/ so man bißhar an den wercktagen in den Pfarren/ wann es achte geschlagen gehept/ soll hinfür alle wercktag im Münster wann es Nüne schlecht gehalten werden. By diser predige sollend alle priester/ so hie verpründet sind/ by einer peen zügegen sin/ vnd on Eehafft vrfachen nit vßbliben. Wir habend auch geordnet/ das alle wercktag/ vmb die Dry nach Mittag/ in dem Münster ein stund vngeuerlich in H. Schrift ordinarie¹ gelesen vnd das nach endung der Letzgen/ die ordinary Lectores/ dem gemeinen volck/ als bald dz glöcklin darzu verordnet/ verlüttet/ vngeuerlich vff ein fiertel einer stund/ das so gelesen Summarie/ mit kurtzer tröftlicher vermanung fürtragen/ darby auch die Priester verbleiben/ vnd bey einer straff/ biß alle ding vollendet nit abcheiden sollend.

Von dem Ehelichen stand/ vnd wie man in die Ehe kommen solle.

Diewyl Gott vnser Himmelficher Vatter/ den Eelichen stadt selbs vffgesetzt/ gebenedyct/ vnd würdigklich zehalten gebotten hat/ Habend wir geordnet/ das die Eelüt/ so ordenlich in die Ee griffen/ es sey an fyr oder wercktagen/ zu der zyt als man dz Göttlich wort verkündet/ offenlich yngefe-

¹ ordinarie = regelmässig [lat. ordinarius]

gnet/ auch durch die Pfarrer oder Diacon/ so sy jnsegnen/
in ein sonder büch ordenlich yngeschrieben sollen werden.

Wir wöllend auch/ das die/ so sich in die Ee begeben/
offentlich in bysein biderber¹ lüten/ als züm wenigsten in ge-
genwertigkeit zweyer frommer mannen/ handeln vnd den stadt
der Ehe zûfagen. Dann wo Personen in wincklen sich mit
einanderen versprächen/ vnd darnach der ein theil leügen wür-
de/ wo kein kundtschafft dargethon/ nüt gelten. Darumb
wisse sich yederman zûbeforgen/ von schad vnd schanden zû
bewaren. Es soll aber niemandes dem andern die feinen/
noch auch die kinder/ vnder nachbestimpten jaren/ nit sich
selbs/ on gunft/ wissen/ vnd willen Vatter/ Mûter/ vnnd
Vögten oder ob sie weder Vatter noch Mûter haben/ aber
jre Großvätter vnd Großmüeter noch lebten/ auch der sel-
bigen jrer Großuätter vnd Großmüeter willen/ in die Ehe
verpflichten/ vermählen/ oder hingeben. Dann wer das
vbergienge/ soll also getroffen werden/ das die kindt/ so sich
selbs on willen jrer Vätter oder Müeter/ Großuätter oder
Großmüeter vnder nachbenannten jaren in die Ee verordnen/
damit jr Vatter vnd Müeterlich/ Großuatter vnd Großmü-
eterlich Erbgerechtigkeit verloren haben solle. Es sey dann/
das Vatter vnd Mûter/ Großuatter vnd Großmüter jren
vngehorsamen kindern verzyhen/ vnd sie zû erben bestimmen
würden/ das soll den Eltern unbenommen sein. Aber die
Vögtkinder/ so sich on willen jrer Vögten vnder den jaren
nachbestimpt selbs verhyraten/ die werden wir ye nach ge-
legenheit vnd gestalt der sachen/ an jrem gût/ oder sonst her-
tenklich straffen. Die aber zû vermählung der kinden/ oder
Vogtkinden vorstadt/ verheffend/ die sachen brittlen/ die
parthyen zûfammen fûgend/ hilff/ ftür/ raht/ und vnderfchleiff²
darzû gebend/ die alle/ es seyend wyb oder mann/ wöllend wir
gefäncklich annehmen/ in den Wasserthurn³ legen lassen/ vnd
ye nach gestalt der sachen/ mit einer Weltlichen schand/ oder
verbietung des Landts on gnad hertencklichen straffen.

Es sollend aber die Eltern vnd die Vögt/ zû jren kindern
acht haben/ vnd sie nit versumen/ dann wo das nit beschehe/
vnd sich die kinde vm sumnuß jrer Eltern oder Vögten/ näm-
lich die knaben wann sie vier vnd zwentzig jar alt/ vnnd die
Töchtern/ so das zwentzigst jar erreicht/ sich selbs in die Ee
verheyraten vnnd beforgen würden/ das soll den Kindern
nit schädlich noch verwyßlich sein.

Es

¹ biderbe = rechtschaffen, anständig

² unterschleiff = Täuschung, Betrug [mhd. undersliefen]

³ Wasserthurn: siehe weiter unten

Es follend auch die älteren vnd vögt/ fo vil müglich ver-
hüten/ dz fy jre kind/ wider der felben willen nit in die Ee zwin-
gend/ in anfehen die gezwungene Ee vil vnrads bringt/
Eebruch gebürt/ vnd vil fchadens dauon erwachsen mag.

In annemung vffrichtiger Ee/ foll fürohin nüt hindern/
darzû die angenomene Ee nit zertrennen/ weder Grad/
Sypfchafft/ noch ander fachen dann allein die fo in Gött-
licher fchriffte klärlich vßgetruckt find. Vnd was bißhar mit
Dispensieren vnd vmb gelt erlangt worden ift/ foll alles vß
fein vnd nit mee jrren¹.

Vnd ob fich keineft zûfüegen/ das ein Jüngling der ledig
vnd fry ift/ ein dochter/ fo dauor nit vermähelet/ vnnd die
im zûr bübery kein anreizung gegeben/ verfürlicher weyfe
hindergangen/ jres blümens vnnd ehren verfelt vnnd ge-
fchmächt hette/ der foll die dochter zû der Ee haben/ vnnd
jren ein Morgengab geben. Es were dann/ das der dochter
vatter/ müter/ oder vogt dem knaben die dochter nit laffen
wollten/ vnnd die Ee zwifchen difen parthien nit zûgefagt
were/ dann foll der Jüngling die dochter vßftüren nach der
Oberkeit erkanntnuß.

Wann aber die dochter dem Jüngling mit betten/ brieffen/
oder felbs eygenem befcheyd jren anzûhängen/ vnd fy zû be-
fchlaffen/ villicht der vrfachen/ gunft/ willen/ vnd anreizung
geben hette/ damit fy den Jüngling hindergon/ befchemmen
vnd fallen möchte/ vnd das erfunden wurde/ dann foll der
Jüngling der dochter für jren blümen/ nit me dann fünff fchil-
ling² zûbezalen/ aber fy beyde vns folcher büberien halb zû
ftraffen vorbehalten fein. Gleicher gefalt foll es gehalten
werden/ wann ein Eeman ein dochter jres blümens verfelt/
das der Eeman der dochter auch nit mee dann fünff fchilling
für den blümen geben folle. Dann wann ein dochter fich an
einen Eeman henckt/ hat fy wol zû gedencken/ dz fy da nüt
dann fchand vnnd lafter erreichen möge. Aber den Eeman
wöllend wir von folchen Eebruchs wegen/ wie nachuolgt/
hertencklich ftraffen/ vnd die döchtern hiemit gnügfam ge-
warnet haben/ damit fy jnen jr ehr wol beuolhen/ vnnd nit
vmb ein folchen fpott vnnd groffe fchand laffend feil fein.

Was ein Ee fcheiden möge.

Wir habend zügknüß in Heiliger fchriffte/ dz von Eebruchs
wegen die Eelüt gefcheiden werden mögen. Dieweil vns aber

¹ jrren, irren – hier = behindern, aufhalten

² 1 Pfund = 20 Schilling à 12 Pfennig

hierunder vil gefärde gebrucht werden möcht/ Haben wir geordnet/ das kein Eegemahel/ auch von offentlichs Ehebruchs wegen/ den andern feinen Ehegemahel/ eygnen gewalts verlassen/ oder von jm schlagen möge. Diewyl doch in eygner sachen niemands sein selbs Richter sein solle/ fonder soll angeregte scheidung von Ehebruchs wegen zúvor/ von den Eerichtern/ die wir verordnen werden/ ordenlich geschehen/ vnd dem vnschuldigen theyl/ wz er fürer zethún fúg habe/ mit recht ertheilt werden. Dann ob einer/ oder eine/ vor solcher scheidung/ eygenten gewalts/ einen andern künfftige Ee versprechen/ oder gegenwertige Ee zúfagen/ vnd lybliche beyfchlaffung daruff geulgen würde/ das soll gantz nit für ein Ee/ fonder für ein Eebruch gerechnet/ vnd als ein Eebruch hertencklich getroffen werden. Wir achtend vnd nennend ein offenen Eebruch/ darumm die scheidung beschehen mag/ den so an offner that ergriffen/ oder vor dem Eegericht mit offener gnúgfamer kundtschafft/ wie Recht ist/ erfunden vnd erwyfen würdet. Vnd so aber dem Eebrecherischen theyl/ von seiner vbelthat/ nit allein kein vrfach zú newer Ee zekommen vergönnet/ fonder vil mehr die schwäre fünd hertencklich getroffen werden solle/ wöllend wir hieniden die straffen/ so die Eebrecher tragen sollend/ anzeigen. Was sachen sich sonst in scheidung der Ee der gestalten zútragen/ das der ein theyl von natur zú Eelichen wercken vnüchtig. Jtem so eins dz leben verwürckte/ nit sicher vor ein andern werend/ wütende/ vnfinnig/ oder ob eins das ander vnerlaubt verlassen mit húry tratzen¹. Jtem vffetzig wurden/ vnd der gleichen/ darinn niemandt von vngliche der sachen kein gewiß gefatz machen kann/ Mögend die Eerichter erfahren/ vnd wie sie Gott/ vnd gestalt der sachen vnderwyfend/ handeln.

Von den EheRichtern.

Vnd so aber der Ehe sachen/ sich vil vnd vil zútragend/ wöllend wir Syben gelehrter/ frommer vnd erbarer männer/ nämlich zwen von den Lützpriestern inn vnser Statt/ die des Göttlichen worts berichtet. Jtem Dry vß dem kleinen/ vnnd Zwen vß vnferm groffen Raht zú Richtern verordnen/ vnder denen soll allwegen ein Alter Zunfftmeyster Obman/ oder Richter sein/ die partheyen berúffen/ gebieten verlamlen/ anfragen/ vnd folliche Gerichts händel/ wie die notturfft erforderet/ on verzug vßrichten/ Wie wir der
dingen

¹ tratzen = necken

dingen fürderlich ein wytere ordnung/ mit der hilff Gottes ansehen werden. Die Gerichts tag sollend sein am Montag/ vnd am Donstag vmb dz Ein nach mittemtag/ an den orten/ dahin wir follich Gericht verordnen werden.

Dise Eerichter sollend ein Ernstlich vfflehens haben/ vff die Eeleüt/ also/ wo zwischen Eelüten/ wie dann zum offtern mal beschicht/ gezänck/ span¹/ vnd vneinigkeith erwachsen/ Oder so ein starcker leumbden were vff Eelüt/ von offnen oder heimlichen/ doch verärgerlichen/ argkwenigen zügangs wegen/ darab die nachpuren vnd andere fromme menschen verärgeret/ vnd solche verleumbdung mit warer kundtschafft gnügfam erfunden würde/ Das dann die dry Eerichter/ von dem kleinen Rath verordnet/ einen vß jnen heimlich mit den selbigen personen zehandelen/ sy früntlich/ doch mit Ernst/ zu dem ersten vnd andern mal von solchem jrem gezänck/ spannen/ vnd widerwillen/ oder argkwonischen/ ärgerlichen wesen abzúfton/ warnen lassen. Beschicht das/ ist der sach geholffen. Wo nit/ dann sollend die bemelte dry Herren solche personen zu überfluß für sich berüeffen/ gütlich/ aber doch mit Ernst mit jnen handeln/ dz sy jren vnwillen/ der sich dick² um klein fúg sachen begibt/ fallen lassend/ Tugentlich mit einander lebend. Oder so sy von argkwons wegen beschickt/ von jrem ärgerlichen wesen abstandind/ noch ein mal warnen. Vnd so diese vnderhandlung vnd warnung auch nit hälffen wurde/ dann sollend die Eerichter gemeincklich solche personen für sich berüeffen/ die jrthumb der Eelüt mit recht entscheiden. Vnd nach dem der ärgerlich starck leumbden (wie obstat) gnügfam erfunden ist/ dann sollend die Eerichter die argkwenigen personen straffen/ damit größere übelthat vermiten blibe.

Von Bildern

Wir habend in vnfern kilchen/ zu Statt vnd Land kein bilder/ in ansehen/ das die vornaher vil anreizung zur abgötteryen geben/ darumb/ sy auch Gott so hoch verboten/ vnd alle die verflücht hatt/ so bilder machen. Deßhalb wir fürhin/ mit Gottes hilff/ kein bilder vffrichten lassen/ aber ernstlich nachgedenckens haben werden/ wie wir die armen dörfftigen/ so die ware vnd lebendige bilder Gottes feind/ Tröftlich verfehen mögen.

Von Fyrtagen.

Wiewol alle Christen/ mit höchstem fleiß sich bearbeiten

¹ span = Streit

² dick = oft, wiederholt

follend/ dz fy in mydung der laftern/ Gott jren himmelifchen Vatter Täglicly frend/ der fünd abfterbend/ vnd in Tugenden zünemmend. So will doch nüt defterweniger Etliche fyrtag/ vff die man fich in den kilchen/ zü hörung des Göttlichen worts/ vmb gemeinen gebätts/ vnd bezügung Chriftlicher liebe/ mit vnderlaffung anderer hand arbeyt/ verfamle/ zü halten von nöten fein. Vnd fo aber dievile der Fyrtagen nit zü loben/ wöllen wir fürhin alle die Sonntag/ fampt den Fälten der geburt Chrifti/ der Oftern/ der Vffart Chrifti/ vnd der Pfingften zü fyren angenommen haben/ alfo/ dz auff folche tag/ mencklich in vnferer Statt vnn Landtſchafft/ fich aller ärgerlicher Lichtfertigkeiten abthun/ allein Gott/ vnd nit der welt dienen. Auch Vatter vnd Mütter/ Herren vnd Meifter jre kind/ knächt/ vnd dienft darzū halten follend/ das fy fich vff die beftimpten tag/ in vorbemälten wercken/ bey andern gläubigen/ Chriften fein/ erkennen. Aber die verdienft/ hohe Tugenden/ vnd fähigkeit/ der Heiligen ewigen Jungckfrawen Marie der Heiligen Apoftlen/ Sant Johanfen des Töuffers/ vnd der lieben Marterer Chrifti/ dieweil man täglich frübätt vnd tag predig haben wirt/ Sollend mit Ernftlicher gedechtnuß (wie dauor in verkündung des Göttlichen worts beuolhen ift) begangen werden/ vnd die tag jrer gedechtnuß im kalender onuerruckt bliben.

Von der Schül.

Dieweil wir zü verkündung des Göttlichen worts/ vnd pflanzung eins fridfamen/ Chriftlichen/ Burgerlichen wens/ gelerter leuten nottürfftig/ wöllend wir/ mit Göttlicher hilff/ die ſchülen für die jugend/ auch vnfer Vniuerſitet/ mit güten/ gelerten ſchülmeiſtern vnd profefforibus. Nit allein in Latinifcher/ fonder auch Grechifcher vnd Hebreifcher ſprachen/ dermaffen geſchicklichen anrichten/ dz die jungen vnd betagten/ dadurch kunſtrich/ zü Chriftlichen tugenden vnd fürftändern der gemeinde/ gepflantz/ vnd gezogen werden mögen.

Wie die Lafter verboten/ vnd die vbertreter der fälbigen geſtrafft werden ſollen.

Es gibt die geſchrifft zügknvß/ das die gewalt ein dienerin Gottes zür Rache der ubelthäter/ vnd zü lobe der wolthäter

thäter von Gott ingefetzt ſye. So nun Gott/ vnſer Him-
melicher vatter/ vns in ſolchen dienſt berufft/ das güt zů
pflanzen/ vnd das übel zů ſtraffen gebotten hat. Damit
wir dann vnſers ampts trewlich warnemmen/ haben wir vol-
gende laſter/ by den peenen darby gemelt/ verboten/ vnd vns
einhellenklich entſchloſſen vnd vereinbart/ die vbertretter on
alle gnad zeftraffen. Darumb wöllend wir mencklichen/ ſich
vor ſchaden wiſſen zů uerhüten/ vätterlich gewarnet haben.

Von den Lättern Gottes/ des Glaubens/ vnd der Sacrament.

Wöchler[!]/ oder wölche etwas glauben leren/ oder predi-
gen/ das den zwölf Artickelen/ vnſers Heiligen/ vngezwy-
felten/ Chriſtenlichen glaubens widerig. Oder wölche die
Gottheit/ oder menſchheit Chriſti Jeſu/ vnſers einigen Hei-
lands verlöugnen/ ſchmähend/ oder das hohe verdienſt ſi-
nes Heiligen bittern ſterbens vnd lidens vernichtend/ oder
ſchmälerend/ vnnd ſich mit dem Göttlichen wort/ von jrer
jrrthumm nit abwyſen laſſen/ die wöllend wir an jrem lyb/
läben/ vnd güt ſtraffen.

Wölche das Heilig wort Gottes/ in Bibliſcher gſchrift
begriffen/ die Heiligen Sacrament des Touffs/ vnd des
Herren Nachtmals verachtend/ oder verſpottend/ wöllend
wir alfo ſtraffen/ dz wir die verſpötter des Göttlichen worts
gefäncklich annemen/ vnd des Lands verbieten werden.

Wölche aber das Sacrament des Touffs alfo ſchmä-
hend/ das ſy ſolches den jungen kindern mitzůtheylen/ wi-
der Chriſtenliche lieb vnd fryheit/ verbieten/ verhindern.
Oder wölche/ ſo in jrer jugend getoufft/ ſich im alter (als die
Rottengeiſter/ die man Widertouffer nempt/ vß dorechti-
gem wahn/ wider die warheit Göttlicher ſchrift thüend)
widerum Töuffen laſſen/ oder dz zůthůn predigen/ leren/ vnd
die ſolche predige in höltzern/ veldern/ winckelhüſern hören/
annemen/ vnd ſich dieſer Secten anhängig machen wurden/
Die alle/ nämlich die Widertouffer/ ſo ſich im alter wide-
rum haben Töuffen laſſen/ oder die den Widertouff leren/
vnd kindertouff verbieten/ ſampt denen ſo jre kinder vnge-
toufft zů behalten vermeinen/ vnd die ſo dieſe verſüerliche
leer hörend/ annemend/ oder ſolche leer vnnd Töuffer be-
hufend/ behoffend/ vnnd vnderſchlauff gebend/ wöllend
wir

wir/ als die nit jres blüts/ fonder jres heyls vnd feelen fäligkeit begirig/ von ftund an gefäncklich annemen/ vnd fie inn der gefangenschafft/ fo lang mit müß vnd brot fpyfen/ darzü nach gelägenheit pynlich mit jnen handeln laffen/ biß fie jre jrrtung bekennent/ die öffentlich widerrüffend/ daruon abftond/ vnd zü Chriflicher einigkeit wider bekehrend. Vnd wann fy folchs gethan/ dann wöllend wir fie mit einer vrfäth¹/ die fie mit erhabenen fingern/ vnd gelehrten worten zü Gott fchwören/ damit jnen/ folcher/ als verfüerifchen Secten hinfür müeffig zügönd/ deren gantz nit zü beladen/ fonder sich mit vns/ in Göttlichem wort vnd dienft gleichförmig zehalten/ bey peen des Schwerdts ingebunden werden folle/ der gefangenschafft ledig laffen/ vnnd fie für Chrifliche mitbrüeder oder fchwestern erkennen.

Die aber in jrer jrrthumm verharren/ vnd daruon nit abfton wurden/ wöllend wir/ damit fie niemandt wyter verführend/ biß zü end jhrer wyl in gefäncknüß behalten/ vnnd darinn erfterben laffen.

Vnd ob fich keineft zütragen/ das folche Töuffer jre jrrthumb bekennen/ vnd obgemelten Eyde erfatten/ aber darnach an jnen felbs fo vnthür/ das fie wider gethone vrfäth/ von Chriftenlicher einigkeit/ züm andern mal abfallen/ jre vorige jrrthumm widerumb annemen/ jre ehr vnnd eyd vberfehen würden. Dann wöllend wir folche vbertretter/ als ehr loß/ meineydige lüt/ vnd abtrünnige Chriften/ on alle gnad mit dem Schwerdt/ vom leben züm todt richten laffen. Des wiffe fich mencklich zerichten/ vnd vor fchaden zü uerhüeten.

Vnd diewyl man dife Widertöuffer/ gemeincklich darbey erkennt/ das fie fich/ in hörung des Göttlichen worts/ vnnd gemeinfchafft des Herren Nachtmals/ von anderen Chriflichen gemeinden abfundern/ in die winckel/ wäld/ vnd vff die velder fich züfammen thüend/ jre jrrthumm lehrend/ vnd die einfaltigen verfüerend/ So wöllend wir vns hiemit erluteret haben/ das wir alle die/ fo in vnferer Statt vnd Land/ das heylig wort Gottes bey andern gläubigen/ in offnen Kilchen nit hörend/ noch des Herren Nachtmal/ bey andern Chriften/ zü gelegenen zyten nit nemmend/ fonder der Widertöuffer winckel/ wald/ oder veldpredige hörend/ die Sacrament mit jnen nemmend/ ob die glich wol nit anderft getöufft/ nur defter minder/ für Widertöuffer achten/ vnd die alle/ wie von den Widertöuffern obftadt/ ftraffen wöllend.

Wölche

¹ vrfäth = Urfehde (Friedensversprechen mit Verzicht auf Rache)

Wölche die Heiligen hochwirdigen Sacrament des leybs vnd blüts Chrifti/ wann die in des Herren Nachtmal Chriftenlich gehandelt/ wie ander schlecht wein vnd brot/ oder noch verachtlicher/ ein becken brot/ rüebfchnitz/ vnd der gleichen/ spöttlich nennen/ die wöllend wir/ als durch- ächter der Heiligen Sacrament an jrem leyb vnd läben ftraffen. Dann wir nit leyden mögend/ noch wöllend/ das die Heilige zeychen/ darbey wir der Gnadenreichen fchencke vnd lydens Chrifti/ vnfers einigen Heilands/ erinneret/ fo jämmerlich verfpottet werden.

Wölche die ewige/ reine/ vberwölte Künigin/ die gebenedyte Junckfrawen Mariam/ oder andere geliebte Gottes Heiligen/ fo jetzt bey Chrifto in ewiger feligkeit läbend/ verachtend/ fchändend/ oder fchmähend/ also das fie sagten/ die Mütter Gottes wäre ein weyb gleich wie ein ander weyb hie auff erden gfein/ das fie mer kinder dann Chriftum/ den Son Gottes gehept/ vor vnd nach der geburt nit ein ewige Junckfraw bliben. Oder das die vberwölten Gottes Heiligen/ fo vß difem jammerthal berüefft/ nit bey Chrifto in der feligkeit weren. Die alle wöllend wir je nach gefalt der fachen / an jrem leyb/ läben/ vnd güt ftraffen.

Vnd als durch die vnmenfchlichen fchwür/ deren bißhar leyder vil gefchehen/ die Göttliche maieftat größlich zü zorn bewegt/ dz Chriftenlich volck mercklich verärgeret würdet/ wöllend wir alle die fo mit verdachtem gemüt/ vß luterm mütwillen/ bey Gottes Allmächtigkeit/ Barmhertzigkeit/ kranckheit/ Touff/ Sacrament/ Marter/ Leyden/ wunden/ vnd dero glichen fchwerend/ an leyb vnd läben ftraffen.

Wölche aber vß zorn/ oder böfer gewonheit/ wie obgemält fich weren werdend/ die föllend für jeden fchwur/ fo oft es dergefaltent befchicht fünff fchilling/ on gnad verbeßern. Doch fo möchte jemandts auß zorn oder böfer gewonheit/ fich mit dem fchweren fo vngebürlich halten/ wir würden jhn glich wie obftat an leyb vnd läben ftraffen.

Dife ordnung vnd ftraaff/ foll zü Statt vnd Land glich gehalten/ vnnd die läfterer von aller mencklichem/ bey gefchwornen Eyden/ angäben/ vnd darinn niemandts verfhont werden.

Von übertretung der Fyrtagen

Wölche an den Fyrtagen obgemält/ on redliche vrfachen/

dz wort Gottes/ bey andern gläubigen/ in offnen kilchen vß
farleßigkeit/ oder widerwillen nit hören/ fonder anheimlich
bliben/ vnd sich denocht der Töuffer famlung nit beladen/
oder vor Endung der Tagpredig (es wollte dan einer über
feld ziehen) in offnen wein/ zunfft/ wirt/ oder kochs hüfern
braffen/ oder vff den werck vnd Fyrtagen teurer dann vmb
ein Rappen¹/ doch on alle verbott/ spilen vnd kurtz weylen/
oder offentlich Tantzen würden/ Deren wöllend wir ein
jeden/ er sie wirt/ gaft/ koch/ oder zunfftknecht/ heimlich oder
frömbd/ so oft dz beschicht/ vmb ein pfund pfennig/ on
gnad/ straffen. Es sollend aber die/ so wie obftat/ vmb ein
Rappen kurtzweilen wolten/ solich spyl thûn/ Erst von den
Einen/ nach mittemtag/ biß die glock Viere schlecht/ vnnd
nit ehe noch Länger. Dann wer solche kurtzweil früer/ oder
später tribe/ soll jedes mals/ wie obftat/ vmb ein pfundt
pfennig gebüßt werden. Hiebey wöllend wir einer jeden
Zunfft heimgefelt haben/ das sie vß Christenlichem yfer/
das spyl wol gantz abstellen/ vnnd die ubertretter bey einer
peen straffen mögend/ wie sie der ehren Gottes vnd brüeder
licher liebe fürderlich fein gedencken.

Von allerley Malefitz straffen.

Die so jre Oberkeiten vnd ältern schmähen/ Lätfernd vnd
vnghehorfamlich verachtend/ todtschläger/ mörder/ Dieb/
falsch kundtschafft gäber/ vnd dero gleichen Malefitz händ-
del/ wöllend wir/ nach Keyserlichen/ vnd vnser Statrech-
ten on gnad straffen.

Vom Ebruch vnd vnehrlicher Bywonung.

Wölche offentlich zû der vnee sitzend/ oder wölcher Ebruch
sonst kundtlich ist vnnd offenbar/ oder mit gnügamer vn-
uerdachtlicher kundtschafft/ nach erkantnuß des geordne-
ten Eegrichts erwyfen würde/ der/ oder die selbigen/ es sey-
end frawen oder man/ jung oder alt/ arm oder reich/ die sol-
lend zû dem/ dz sie (wie obftat) verbant/ vnd von des Her-
ren Nachtmal abgetrieben werden zû allen ehrlichen ständen/
als Burgermeistern/ Zunfftmeistern/ kleinen noch groffen
Raths/ noch gerichts Herren/ Predicanten/ Leütpriestern/
oder helffern/ oder zû andern ehrlichen ämptern/ nit erwölt
noch

¹ 1 Rappen = zweitkleinste Münze, entspr. 2 Pfennig

noch genommen werden. Vnd ob der oder die selbigen dann zůmal/ so einer in folchem laster des Eebruchs gefunden würde/ in vermälten oder dero glichen ehrlichen ämptern verfaßt wären/ die sollend sie damit geftracks verwirckt/ abgesetzt/ Die Priester jre pfründen verloren haben/ vnd ein anderer Toegentlicher an des Eebrechers statt genommen werden.

Solichs soll auch vff dem Land/ mit vßschlieffung des Nachtmals Chrifti/ der Eeren ämptern/ als zů Gericht/ gemeind/ vnd andern ehrlichen verfamlungen/ wie die vff dem Land gebrecht/ gleich wie in der Statt gehalten/ werden.

Vnd so wann sich (wie vor statt) einer oder eine/ des ersten mals im Eebruch übersehen/ vnd das kundtlich gemacht würde/ der oder die selbigen sollend/ zůsampt obgenanter entsetzung/ jrer ämptern vnd pfründen/ für den ersten Eebruch/ wann der Eebrächer des Rathes oder ein priester glein/ zähen pfund. Were aber der Täter oder Thäterin von der Gemeinde glein/ vmb fünff pfund getroffen werden.

Ob aber einer oder eine/ zům andern mal im Eebruch öffentlich vnd kundtlich erfunden würde/ dann soll er oder sie gefäncklich angenommen/ in Wasserthurn¹ gelegt/ Sechs tag in gefangenschafft enthalten/ mit wasser/ muß/ vnd brot gespeißt/ vnd darzů vmb zehen pfund getroffen werden.

Wann sich aber einer oder eine zům drytten mal im Eebruch übersehe/ vnd das kundtlich würde/ dieweil dann die straff billichen zunimpt/ wo sich das laster meret/ soll der oder die selbige Nün tag im Wasserthurn gefäncklich gehalten/ mit wasser vnd brot gebüßt/ vnd dazů vmb fünfftzehen pfund getroffen werden.

Wann aber einer oder eine in folchem laster/ über die vorbestimpten straffen verharren/ vnd sich nit bessern würden/ der oder die sollend on alle gnad von vnser Statt vnd Landtschafft verwiffen/ verboten/ vnd darin nit wider gelassen werden/ sy habend sich dann an denen orten/ da sie mittler zyt gewonet/ des Eebruchs vnd anderer offener lastern halb on argkgwon gehalten Wann sie dann darumb zůgnuß bringen/ mögen wir jnen vß gnaden vnser Statt vnd Landtschafft widerumb öffnen. Doch soll der man in einem jar nach seinen inkommen weder zů Gericht/ Rath/ noch andern ehrlichen ämptern vnd sachen nit gebrecht werden.

So aber einer oder eine/ nach dem der oder sie in Statt

¹ Wasserturm: an der inneren Stadtmauer zwischen Lohnhof und Äschenschwibbogen „in den Wassern“, d.h. im Birsig stehend. (Zum Tode Verurteilte wurden im daneben liegenden Eselturm verwahrt)

vnd Land inkommen/ vnnnd jnen verfürnung vnd erfetzung bechehen wäre/ widerumb in offen lafter des Eebruchs fallen wurden/ das Gott barmhertziglich wenden wölle/ vnd kein befferung bey dem oder deren zů uerhoffen were/ Dann foll der oder die felbige gefäncklich angenommen/ vnd nach erfindung offener dath/ mencklichem zůr befferung vnnnd Ebenbild/ an leyb vnd leben geftrafft/ vnd Ertrenckt¹ werden.

Vnnnd wär des Eebruchs halb/ wie obftat/ entfetzt/ geftrafft/ vnnnd vßgeschloffen wirt/ der oder die foll also lang vßgeschloffen/ auch der ehren ämptern vnempfencklich fin/ biß das er fein läben gebetteret/ das lafter verlaffen hat/ So man dann fchinbarliche befferung fpüren/ mag man/ die fich also bekert/ zů Chriftenlichen mitbrüedern wol widerumb annemen/ vnd zů ehrlichen ämptern bruchen.

Wir wöllend auch füröhin niemanden in offener hüryen gedulden/ deßhalb follen die Eerichter fürderlich on alles verziehen/ alle Geiftliche oder weltliche perfonen/ die jre mätzen² bey jnen fitzen haben/ oder fonst in befundern hüfern verlegen/ für fich berüeffen/ vnd jnen fagen/ das fy jre mätzen/ in Monats frift/ eintweders zů der Ee nemend/ oder aber fich gänztlich von einandern abfcheidend/ vnd das nit überfehend. Dann wölcher priefter fich vngehorfam erzeygen/ dem wöllend wir fein pfründ nemmen/ vnd die mätzen von Statt vnd Land verfchicken. Aber die weltlichen perfonen/ die fich mittler zeyt nit Eelich verhyraten/ oder einandern verlaffen werden/ follend die Eerichter jr jedes vmb ein marck Silber ftraffen/ vnd denest zů oder von einandern getriben werden.

Wölche priefter oder ledige jre mätzen vnnnd bülfchafften zů der Ee nehmen/ die follend innerhalb des beftimpten Monats frift/ die angenommene Ee/ mit offenem kilchgang beftetigen. Damit mencklich/ das fy Eelüt feyend/ vnnnd deßhalb zůn Eeren/ on ärgernuß beyeinandern fitzendt/ wiffens trage.

Wie die kuppler vnd kupplerin geftrafft werden follend.

Alle kuppler vnnnd kupplerin/ die biderblüten³ döchter/
Eeweiber/ oder Eemänner zůfamen triben/ verkupplend/
oder

¹Tod durch ertränken: im Rhein, vom Käppelijoch aus

²mätz, metze = Mädchen, Dirne

³biderb lüt = anständige Leute

oder vffenthalten/ wöllend wir nachdem wir jrer übelthat glaubwürdiglich bericht/ gefäncklich anemen/ in Waffer thurn legen/ vnd nach dem fie mit den Halßeyfen gefchmächet/ den Eyd von vnfer Statt vnd Landtschafft gäben.

Wo fich aber gefüegen/ das etwann ein vatter/ müter/ oder Eeman fo leychtfertig fein/ das fey jr eygen döchtern oder wyber (das doch zů hören gruffamlich ift) verkupplen/ vnd alfo jr eygen fleifch vnd blůt zů Sünden ergeben würden/ Die wöllend wir/ wann fich das erfindet/ on alle gnad an jren leyb vnd läben ftraffen/ vnd Erträncken laffen.

Von den Kleidern.

Es kann niemands leügen/ das der mercklich überfluß der Kleidung/ des fich man vnd weybs perfonen/ in groffer hoffart bißhar gebrucht/ Chriftenlicher zucht nit die kleinste ärgernuß gegeben. Dieweil wir aber folche vnd dergleichen ärgerliche ding abzůftellen/ vnd ein erber weffen zůpflanzen geneigt/ fo haben wir geordnet/ vnd wöllend/ das hynfür mencklich bey vns erbarlich vnd vnärgerlich bekleidet gange/ vnd in sonderheit die mans perfonen/ fo in Statt vnnd Land vnfer Bürger/ Hinderfäffen/ oder dienft knecht find/ niemands vßgefchlossen/ für Sant Johans des Töuffers tag nechft künfftig/ gantz niemandts einicherley zerhouwen hosen noch wambift an tragen/ fonder in mittler zeyt die zů neygen/ oder fonst fich deren abthůn follend. Dann wölcher für die felbige zyt hin zerhowen hosen oder wambift an seinen lyb tragen/ oder wölcher Schnider von difem tag hyn jemandem/ fo vns von Burgkrechts oder dienfts wegen zů verfpochen ftunde/ zerhowene kleider machte/ die wider di fes vnfers anfehen hie zů Statt oder Land getragen wurden/ die alle/ nämlich den/ der nach beftimpter zyt zerhowene hosen oder wambift/ an feinem lyb tragen/ auch den Schnider/ fo vonn hüt hyn den vnfern obgemelt zerhowene kleidungen machen/ Wöllend wir/ als oft das befchicht/ vnd übertretten wirt/ jr jeden vmb ein pfund pfennig/ on gnad ftraffen.

Von zůtrincken.

Das zůtrincken/ fampt dem vnorderlichen trincken/ fo

man bißhar etwann vß anreizung der andern/ etwann einer für sich felbs getriben/ ift ein fürnemliche vrfach/ darumb der zorn Gottes erweckt wirt/ zü dem dz auch follichs lafter den menschen an finem lyb vnnd leben schädlich ift/ Darumb so habend wir geordnet/ erkant/ vnd wöllendt das niemands in vnferer Statt vnnd Landtschafft/ er sy Edel/ oder vnedel/ Geyftlich oder weltlich/ von diß hin zütrincken/ keiner dem andern/ es sey halb/ gar vß/ oder ein theyl zetrincken/ weder öffentlich/ noch heimlich/ mit düten/ tretten/ wincken/ oder wie es die hertzen der menschen erdencken/ nemmen/ vnd zü wegen bringen möchten/ nützit bringen nach warten solle. Dann wölcher das übertrete/ foll für jedes mal/ vom bringer vnd warter ein pfund pfennig/ on gnad verbefern.

Wann aber/ jemens für sich felbs ongebracht/ oder so mans jm brechte/ also zütruncke/ das er von dem wein beftöubt/ feiner vernunft vngefchickt wurde/ oder/ mit züchten gefagt/ oben vß breche/ der vnd die jn also gefüllet/ follend jeder vmb fünff pfund/ on gnad/ geltrafft/ vnd hierin niemands verfhont werden.

Vnd so einer der des Raths ift/ sich in difem lafter überficht/ der foll allwegen mit zwyfacher peen gebüßt vnd geltrafft werden.

Wär diese ftraff mit gält nit zegäben hat/ der foll es mit feinem leyb/ in gefäncknuß/ nämlich die ftraff eins pfunds/ mit zweyen tagen/ vnnd die straff der fünff pfunden mit sechs tag vnd nächten/ mit wasser vnd brot büeffen.

Damit aber diß lafter defter Ernstlicher abgestelt vnnd geltrafft werde/ habend wir/ den Herren/ über die Vnzucht verordnet/ beuelch vnd gewalt geben/ das sy alle wochen/ oder wann sy für güt anficht alle wirt/ weinschencken/ köch/ ftuben/ Zünfft/ vnd Gefelshafft knächt für sich berüeffen/ vnd die alle/ fampt vnfern knechten bey geschwornem Eyde/ wann sy zütrincken/ oder einandern bringen gefehen haben/ Ernstlich befragen. Daruff auch die bedachte personen/ was sy ftraff wirdig wiffend/ bey jren Eyden anzeygen/ vnd gar niemands verfhonen follend. Dann wölcher mit gefärden/ etwas hinderhielt/ der foll härtencklich geltrafft werden. Vnd was die Herren über die Vnzucht dergestalten büßwirdig erfinden/ follend sie on gnad ftraffen/ von vns noch niemanden daran verhinderet werden.

Es

Es follend auch die Wirt jhre Geft/ vor dem zûtrincken vnd bringen ernstlich warnen/ Dann wölcher Wirt das nit thäte/ vnd die Geft/ vß vnwissenheit zûtruncken/ das foll der Wirt verbeffern.

Wir wöllend auch/ das alle Zünfft/ Gefellschafft/ Wyn/ vnnd Wirts hüfer/ Sommer vnnd Winters zyt/ so bald man das glöcklin im Münfter verlüttet hat/ zûgeschloffen/ die Geft vnd gefellen heim/ oder an jr rûw gewyfen/ vnnd jnen kein Wyn mehr gegeben werden/ by peen eines pfundt pfennig vnablâßlich zûbezalen.

Es foll auch/ nach dem das glöcklin im Münfter verlüttet/ niemandts on ein liecht vff der gaffen gon/ auch folcher zyt vff der Gaffen nit fingen noch schryen/ Dann wölcher das vbertritt/ foll das nacht geschrey on gnad verbeffern.

Wer ein vppig Lied fingt/ damit jemandts geschmâcht/ oder die Jugend (wie gewonlich an den Reygen tântzen beschicht) zûr vppigkeit gereitzt wirt/ der oder die follend jedes mals vmb zehen schilling gestrafft werden.

Sonst wie dauor des zûtrinckens halben gefagt/ also ist hierin eygentlichen zûmercken/ das die verbrecher diefer Ordnung in fâhlen/ da die straffen mit Gelt gebüßt sollen werden/ wann sie das Gelt zûbezalen nit vermögen/ die gesetzten Gelt straffen/ mit jren lyben/ in harter gefäncknuß/ wie wir jeder zeit erkennen werden/ büeffen vnd ablegen müeffend.

Wir wöllend auch/ vnd gebieten hiemit ernstlich/ das alle vnfer Burger/ Hinderfâffen/ vnnd angehörigen/ in vnfer Statt Landtschafft wonende/ die Lafter in diefer Ordnung (wie obtat) verboten vnd abgestelt/ in frömbden Oberkeiten/ nit weniger dann by vns myden/ vnd sich daruor hüten sollen/ damit wir/ noch die vnfern niemanden mit vppigkeit verârgern. Dann wölche die fein/ so gleich in frömbder Oberkeit/ die abgestelte Lafter üeben/ vnd sich darinn in einem oder mehr stucken vberfehen wurden/ Die alle wöllend wir/ wann das kundtlich gemacht/ gleich als ob die vbertretung in vnferer Oberkeit beschâhen/ wie diß Ordnung vßwyfet/ on gnad straffen/ vnd hierinn niemandts verschonen.

Damit nun diefer Ordnung getrewlichen gelebt/ vnd die peen fâhl geleyft werden/ so habend wir fondere Herren/ vff diese ding acht zehaben/ vnzûstraffen verordnet. Auch den selben bey jren pflichten vnd Eyden den straffen gegen

mencklichem glich on anfehens der perfon nach zefaren vnd
niemands züuerfchonen gebotten.

Deßhalb getrewen lieben Burger/ Hinderfäffen/ vnnd
verwandten/ wöllend wir üch alle/ fampt vnd fonders/ der
gehorfame/ die jr vns/ ewern Fürgefetzten/ vß Göttlicher
ordnung/ vnd vmb ewer gewiffene willen zeleyften fchuldig
feind/ vätterlich vermant/ vnd von Oberkeit wegen ernstlich
gebetten haben/ das jr üch den obgemelten Ordnungen fo
wir vmb vffnung der ehren Gottes/ vnd vmb pflanzung
eins Chriftlichen fridfamen lebens angefehen/ güt vnnd
frywillig gehorfamen/ üch nit widerfpännig erzeygen/ da-
mit jr mit ewer vngehorfame/ das Euangelion Chrifti nit
fchmähend/ den zorn Gottes über üch nit erwecken/ darzü
vns nit tringend/ das wir von ewer übertrettung wegen/
nach inhalt obberürter peenen wider üch handeln müefften.
Dann wir vns gäntzlich vereinbart/ die übertretter on gnad
zútraffen.

Vnd ob fich jemens/ wer der were/ hie wider fetzen/ fper-
ren/ oder vngehorfam sein. Oder ob jemens die botten/ fo
wir zú volziehung diefer ordnung gefetzt/ in einicherley wäg
beleydigen/ fchmähend/ jnen widerreden würde/ die wöllen
wir zúfampt den vorbenanten peenen/ je nach gröffe jrer
fchuld/ an leyb vnd güt ftraffen/ gehorfam machen/ vnd nüt-
defter minder die gefetzten Botten/ bey difen Ordnungen ve-
ftencklich handthaben/ fchützen vnd fchirmen. Doch was
fachen fich des Gotts läfters/ Eebruchs/ vnd zútrinckens
halb hievor biß an hüt Dato verloffnen/ foll hie mit verzigen
sein/ aber allo/ das difen obgefchr[i]benen erkantnuffen vnd
ordnungen/ von diß hin/ on einig gnad vnd mittel gelebt fol-
le werden/ darnach wilffe fich mencklich zerichten.

Vnd als noch mer fachen/ den Geiftlichen vnd Weltlichen
ftand belangen/ vnd in fonderheit die Mütwilligen krieg/
deren fich die vnfern bißhar vilfaltig vndernommen/ betref-
fen/ vorhanden feind/ fo in beffere ordnung gebracht werden
müeffen/ wöllend wir/ als die mit mencklichem in güttem fri-
den zeläben begärend/ mit Gottes hilff vff das fu[r]derlicheft¹
in güte ordnung bringen/ wie wir Gott vnferm fchöpffer
loblich vnd Chriftlich fein gedencken mögend.

Hiebey/ wöllend wir vns vorbehalten/ vnd öffentlich
erbotten haben/ ob wir künfftiger zyt für vns felbs/ oder von
andern

¹ fürderlich = nützlich, förderlich

ändern/ mit Heiliger Biblischer schrift/ Alten vnd Newen
Testaments/ eins beßern/ dann wir in diser Ordnung an-
gesehen/ vnderwyfen würden/ das wir jederzyt folchen be-
richt/ nit allein nit vßschlahen/ fonder gütwillig/ mit danck
barkeit annemen/ vnnd demnach diese Ordnung/ wie sy zů
vffnung Göttlicher ehren/ vnnd pflanzung eins fridfamen
Chriftenlichen lebens am besten angerichtet werden mag/
ändern/ beßern/ vnd der ftimme Chrifti/ vnfers Hirten/ vn
uerdroffen gehorfamen wöllend. Gott geb vnns sein gnad
vnd friden. Actum Donstags / den ersten tag Aprilis.

Als man zalt von der geburt Chrifti Tufendt
Fünffhundert Zwentzig vnnd
Nün Jar.

**Transkription des Exemplars im Staatsarchiv des Kantons Basel-Landschaft, Liestal.
StA BL: SL 5370 / D 001 – D 306**

zeilen- und seitengerecht transkribiert durch
Remigius Suter ©
Ziefen, anno MMIX

